



Adresa: **Ul. Grbavička 4**
71000 Sarajevo
<http://www.voda.ba>

tel. +387 33 565 400; 565 444; 565 402
fax. +387 33 565 423
e – mail: jvp@bih.net.ba; info@voda.ba

Broj: **UP-I/25-1-40-059 -2/08**
Datum: 15.08.2008. godine

Na osnovu člana 65. stav 4. Zakona o upravnom postupku («Službene novine Federacije BiH» br. 2/98, 48/99, i 8/00) rješavajući po zahtjevu JP «Vodovod i kanalizacija»d.o.o. Zenica za izdavanje prethodne vodne saglasnosti za izgradnju male hidroelektrane «Čajdraš» instalisane snage 485 Kw na gravitacionom cjevovodu pitke vode Kruščica-Zenica, a u postupku dopune ugovora o koncesiji, «Agencija za vodno područje rijeke Save» - Sarajevo, donosi

ZAKLJUČAK

Odbacuje se zahtjev JP «Vodovod i kanalizacija»d.o.o. Zenica za izdavanje prethodne vodne saglasnosti za izgradnju male hidroelektrane «Čajdraš» instalisane snage 485 Kw na gravitacionom cjevovodu pitke vode Kruščica-Zenica na lokaciji koju čine parcele k.č. 1674, 1675/2, 1679/2, 1680 i 1681 sve KO Čajdraš, zbog nenadležnosti za postupanje u konkretnoj stvari.

Zahtjev se ustupa Ministarstvu poljoprivrede, šumarstva i vodoprivrede Zeničko-Dobojskog kantona, kao organu nadležnom za postupanje.

Obrazloženje

JP «Vodovod i kanalizacija»d.o.o. Zenica, pismenim zahtjevom broj 101-4337-01/08 HK od 08.08.2008.godine, obratila se «Agenciji za vodno područje rijeke Save» - Sarajevo, za izdavanje prethodne vodne saglasnosti za izgradnju male hidroelektrane «Čajdraš» instalisane snage 485 Kw na gravitacionom cjevovodu pitke vode Kruščica-Zenica, a u postupku dopune ugovora o koncesiji.

U prilogu zahtjeva dostavljeno je slijedeće:

- Mišljenje Federalnog ministarstva poljoprivrede, vodoprivrede i šumarstva, broj: 05-02-118/08 od 14.07.2008. godine, kojim je navedeno da nadležnost za izdavanje predhodne vodne saglasnosti ima Agencija za vodno područje rijeke Save Sarajevo, shodno odredbama člana 139. stav 1. tačka 10. Zakona o vodama i člana 4. stav 1. tačka 15. Pravilnika o sadržaju, obliku, uvjetima, načinu izdavanja i čuvanja vodnih akata «Službene novine Federacije BiH», broj 06/08), jer se radi o aktivnosti izgradnje mini hidroelektrane na magistralnom cjevovodu koja **može uticati na kvalitet vode**.
- Rješenje o okolinskoj dozvoli, izdatog od strane Ministarstva prostornog uređenja, promet i komunikacije i zaštitu okoline Zeničko-Dobojskog kantona, broj:12-23-6012/07 od 16.11.2007. godine i
- Ugovor o koncesiji za korištenje vode sa izvorišta Kruščica, Babina Rijeka, Strmešnjaki Klopče za javno snadbjevanje vodom Zenice i Viteza, sačinjen između JP «Vodovod i kanalizacija»d.o.o. Zenica i Federalnog ministarstva poljoprivrede, vodoprivrede i šumarstva, avgusta 2002. godine.

Razmatrajući zahtjev, ova Agencija je utvrdila:

- na osnovu člana 139. stav 2. tačka 4. Zakona o vodama («Službene novine Federacije BiH», broj:70/06) i člana 4. stav 2. tačka 4. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 6/08) i
- na osnovu da će se koristiti **Peltonova turbina sa vodenim hlađenjem i podmazivanjem koja kroz svoj rad ne može i ne smije uticati na kvalitet vode za piće u cjevovodu,**

da je za rješavanje u konkretnoj stvari nadležno Ministarstvo poljoprivrede, šumarstva i vodoprivrede Zeničko - Dobojskog kantona.

Prema članu 65. stav 4. Zakona o upravnom postupku zahtjev se upućuje na obradu i rješavanje Ministarstvu poljoprivrede, šumarstva i vodoprivrede Zeničko - Dobojskog kantona, kao organu nadležnom za postupanje u ovoj upravnoj stvari.

Pouka o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno, pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema broju 3. Tarife federalnih administrativnih taksi.

Po ovlaštenju:
Rukovodilac sektora za izdavanje
vodnih akata

Nedžad Vilić, dipl.inž.građ

Dostaviti:

- JP «Vodovod i kanalizacija»d.o.o. Zenica
- Ministarstvo poljoprivrede, šumarstva i vodoprivrede
Ze –Do kantona , Zenica
(sa prilogom: zahtjev i kopija priloga)
- Federalno ministarstvo poljoprivrede,
vodoprivrede i šumarstva Sarajevo
- ISV – Vodna knjiga
- Org.jed.40